

Ky dokument nuk është prova. Prova janë bajtët e ruajtur: HTML-ja e faqes, pamja e saj, dhe zinxhiri i hash-eve që i lidh. Kjo dëshmi është paraqitja e tyre, e prodhuar automatikisht. Verifikohet me kodin më poshtë **pa na pyetur ne**.

ARTIKULLI

TITULLI	Pse s'flitet për viktimat e krimeve të luftës?
ADRESA	https://boldnews.al/2026/09/28/pse-sflitet-per-viktimat-e-krimeve-te-luftes/
BURIMI	boldnews.al
GJENDJA	online

KOHA


KAPUR NGA NE	28 shtator 2026, 06:46:17 UTC <i>Dritarja jonë e pasigurisë: ± 300 s — intervali me të cilin e kontrollojmë këtë burim.</i>
DEKLARUAR NGA PORTALI	28 shtator 2026, 06:42:17 UTC <i>Koha e deklaruar vjen nga pala që po vlerësohet. Ora jonë nuk preket prej saj, dhe të dyja shfaqen këtu të ndara.</i>

HASH-ET · SHA-256

PËRMBAJTJA	0845ca38e55a9af806908bf0066b481f48f79de43b50711f17ca436681678fb5
TEKSTI	1fed04fbb44ca011a43137b600f02a44e92f12d4f62114a087e4121bf38be2ea
PAMJA	d7df66c2f0651fb896ab2fca36b0612482be3506b7d583384e4294fff3f7ec10

ZINXHIRI I PROVËS

KJO HYRJE	91ed43091d3f5faefecb54a18ee05879c1a77e73c94c6dec8ebaa00274744f85
E MËPARSHMJA	—
RRËNJA MERKLE	c6e9ce599dcf050571ac11f5fe8a3879623b3af12e442f4fee76de6471dba328
ANKORIMI	submitted — dërguar, ende pa bllok <i>Deri te blloku, kjo provon integritetin, jo kohën.</i>



SKANOJE PËR TA VERIFIKUAR

Kodi të nxjerr te eksploruesi i STAMLES. Ai regjistër nuk është yni: nëse serveri ynë bie nesër, vula mbetet aty ku është.

Faqja tregon njërën nga tri gjendjet — **nuk u gjet**, **në radhë**, ose **e konfirmuar** me bllokun, rrënjën Merkle dhe transaksionin në Polygon. Krahazo hash-in që gjen atje me atë të shtypur më lart: nëse përputhen, kjo kapje ekzistonte para asaj ore, dhe ne nuk mund ta kishim ndryshuar pas saj.

<https://scan.stamles.eu/verify/91ed43091d3f5faefecb54a18ee05879c1a77e73c94c6dec8ebaa00274744f85>

PAMJA E FAQES

Renderuar nga HTML-ja jonë e ruajtur, jo nga rrjeti. **Riprodhon kopjen tonë, jo pamjen e atëhershme:** stilet dhe imazhet e largëta mund të mos ekzistojnë më ose të kenë ndryshuar.

Motori: chromium-stored+assets · dritarja 1280×1024 px

Fillimi > RAJONI

Pse s'flitet për viktimat e krimeve të luftës?

08:42 : 28/09/2026 në RAJONI



Në stallë lopësh e bodrume, të lidhur me zinxhirë, të mbuluar me baltë dhe të rrethuar me jashtëqitje njerëzish e bagëtish, të varur kokëposhtë e të rrahur, me thonj të shkukur e gjymtyrë të thyera...

Qindra persona që konsideroheshin kundërshtarë të UÇK-së – mësues shkollash, bujq, pylltarë, punëtorë të thjeshtë dhe, në disa raste, gra dhe fëmijë – u tha të jenë ndaluar në mënyrë arbitrare e keqtrajtuar në këto forma gjatë luftës së fundit në Kosovë, më 1999.

Për këto krime lufte u dënuan më 16 shtator katër ish-krerët e Ushtrisë Çlirimtare të Kosovës (UÇK) nga Gjykata Speciale e Kosovës në Hagë.

Aktgjykimi ishte i shkallës së parë dhe ekipet mbrojtëse të Hashim Thaçit, Jakup Krasniqit, Kadri Veselit dhe Rexhep Selimit paralajmëruan se do ta apelojnë atë.

Lexo edhe:

[Shkupi në protestë për katërshen e madhe të UÇK-së](#)["200 metrat" që liruuan Gotovinën dhe mësimi për katërshen e UÇK-së](#)

Prej ditës së shpalljes së tij, çdo natë, Sheshi Skënderbeu në Prishtinë grumbullon mijëra njerëz që brohorasin "Jo në emrin tim" dhe kundërshtojnë dënimin e atyre që i cilësojnë si "heronj" dhe "çlirimtarë".

Mes fjalimeve e këngëve, gati askush nuk flet për viktimat. Pse?

Agon Maliqi, bashkëpunëtor i lartë jorezident në Qendrën për Evropën të Këshillit Atlantik dhe njohës i zhvillimeve në Kosovë, thotë se kjo ndodh për shkak se verdikti ka sulmuar trashëgiminë e luftës çlirimtare dhe historinë e vendit.

Sipas tij, debati duhet të rifokusohet te "përgjegjësia individuale e atyre që i kanë bërë veprat, e jo duke ndërtuar një narracion të motiveve kriminale të lidershit të UÇK-së".

"Duhet të pyesim sinqerisht: a janë të dënuarit ata që kanë qenë zbatuesit dhe urdhërdhënësit e veprave dhe se a vendos ky lloj verdikti drejtësi?", thotë Maliqi për Radion Evropa e Lirë.

Ai insiston se vendimi nuk ka sjellë drejtësi as për viktimat, as për të dënuarit, pasi

TË GJITHA



Pse s'flitet për viktimat e krimeve të luftës?

08:42 : 28/09/2026



Pasqyrë moj pasqyrë! Pse i kemi çmimet kaq të shtrenjta

08:24 : 28/09/2026



Këmbimi valutor 28 shtator/ Me sa blihen e shiten sot monedhat e huaja

08:07 : 28/09/2026



Kushte atmosferike relativisht të qëndrueshme, parashikimi i motit për ditën e sotme

08:06 : 28/09/2026



Horoskopi për ditën e hënë, 28 shtator 2026

23:00 : 27/09/2026



Irani: Presim përgjigjen përfundimtare të SHBA-së për rihapjen e Hormuzit

22:44 : 27/09/2026



Aksion në veri të Kosovës/ Sekuestrohen armë, municion dhe uniforma ushtarake

22:29 : 27/09/2026

përgjegjësia i është atribuar nivelit komandues pa u individualizuar për secilin rast.

Trupi Gjykses e lidhi përgjegjësinë e katër ish-krerëve të UÇK-së me një plan të përbashkët kriminal për të shënjestruar personat që konsideroheshin kundërshtarë të UÇK-së.

Katër të akuzuarit u tha se kontribuan në krijimin dhe zbatimin e këtij plani dhe se nuk ndërmorën hapa për ta ndaluar atë, ndërsa komandantët e zonave ishin “zbatues të zellshëm” të këtij qëllimi kriminal.

“Megjithëse përgjegjësia e të akuzuarve është individuale dhe personale, ajo që ata bënë, nuk do të mund të ishte realizuar nga një person i vetëm. Atë e bënë bashkë, me vendosmëri dhe me ndihmën e të tjerëve”, thuhet në përmbledhjen e aktgjykimit, ku flitet për qëllim të përbashkët kriminal.

Dhe pikërisht përmendja e një “ndërmarrjeje të përbashkët kriminale” nxiti reagim te qytetarët që ndiejnë se kështu njolloset lufta e bërë nga UÇK-ja.

Disa qytetarë të intervistuar nga Radio Evropa e Lirë thonë se nuk besojnë se akuzat janë mbështetur në fakte dhe dëshmi të mjaftueshme, duke i cilësuar ato si spekulime dhe të papranueshme për popullin e Kosovës.

“Kush i ka konstatuar? Ku janë faktet? Ku janë dëshmitë? Ato janë veç spekulime”, thotë Milaim Llugaxhiu nga Suhareka.

“Ato akuzat janë qesharake, hajgare për popullin tonë”, thotë Liridon Sheholli nga Podujeva.

“Nuk është e vërtetë, të gjithë e dimë”, sipas Qemajl Hasanit nga Vushtrria.

“Nuk ka kurrfarë faktesh dhe si të tilla janë të papranueshme për ne dhe për popullin e Kosovës”, thotë Bajram Beqiri, gjithashtu nga Vushtrria.

Aktgjykimi i plotë për këtë rast nuk është publikuar ende.

Por, përtej trashëgimisë së UÇK-së, njohësi i zhvillimeve në Kosovë, Agon Maliqi, thotë se viktimat nuk kanë marrë shumë vëmendje edhe për shkak të dy faktorëve të tjerë kyç: anonimiteti dhe dyshimet për profilin e tyre.

“Ekzistenca e dyshimeve se një pjesë e mirë e tyre mund të kenë qenë spiunë, apo bashkëpunëtorë dhe dëshmitarë të përpunuar nga Serbia, e bën shumë më të vështirë të mos i shohësh si viktimat, por thjesht si kolateral legjitim luftë”, thotë Maliqi.

Në përmbledhjen e aktgjykimit, trupi gjykses konstatoi se të ndalurit akuzoheshin personalisht se ishin spiunë e tradhtarë dhe se bashkëpunonin me regjimin serb.

Por, “me përjashtime të kufizuara”, gjyqtarët thanë se “nuk gjetën prova që viktimat kishin kryer veprimtari kriminale, kishin marrë pjesë aktive në luftime apo përbënin ndonjë shqetësim tjetër legjitim për sigurinë e UÇK-së”.

Maliqi thotë se në atë kohë kishte njerëz që bashkëpunonin me autoritetet serbe, duke shtuar se ka një konsensus që “në rrethana luftime, së paku, ndalimi i personave të dyshuar është praktikë legjitime”.

“Gjithsesi, dihet gjerësisht se njerëzit shpesh janë shënjestruar pa bazë dhe arbitrarisht nga fryma e mosbesimit, mospajtimet politike apo inatet personale”, thotë ai.

Por, meqë emrat, fytyrat e historive të tyre – përveç rastit të Behajdin Allaqit – mbeten anonimë, ndaj tyre ka mosbesim.

Radio Evropa e Lirë kontaktoi familjen e Allaqit për koment pas aktgjykimit, por nuk mori përgjigje.

Maliqi thotë se është e kuptueshme që viktimat dhe dëshmitarët të kenë kërkuar anonimitet “për t’u mbrojtur nga gjykimi publik”, por se kështu është krijuar perceptimi “që ata kanë faj dhe kanë diçka për të fshehur”.

“Sidomos duke e ditur se përballë këtyre viktimave abstrakte në bankën e të akuzuarve nuk janë vetë kryesit e veprave, por figura me peshë historike, të cilët po gjykohen mbi logjikën e strukturës komanduese – gjë që automatikisht e zhvendos empatinë drejt tyre”, thotë Maliqi.

Në mesin e viktimave u tha të ishin edhe persona që ndaloreshin vetëm se cilësoreshin

“ushtarë të [Ibrahim] Rugovës”, meqë mbështesnin Lidhjen Demokratike të Kosovës (LDK) dhe Forcat e Armatosura të Republikës së Kosovës (FARK).

Radio Evropa e Lirë kërkoi koment nga LDK-ja për përmendjen e tyre në aktgjykimin dënues për ish-krerët e UÇK-së, por s’ mori përgjigje.

Publikisht, kjo parti doli po më 16 shtator me një komunikatë që kundërshtoi verdiktin e Speciales, duke thënë se “UÇK-ja mbetet pjesa më krenare e historisë moderne të popullit tonë” dhe se ajo vetëm “mbrojti pragun e shtëpisë”.

Në këtë komunikatë, si në pothuajse të gjitha deklaratimet publike të bëra pas këtij verdikti, u theksuan krimet e kryera nga forcat serbe në Kosovë.

Ngjashëm reagoi atë ditë edhe kryeministri i Kosovës, Albin Kurti, i cili vendimin e përshkroi si “padrejtësi të papranueshme, ndëshkim të madh e të dëmshëm”.

“Në këto momente të vështira, jemi pranë familjeve të ish-krerëve të UÇK-së dhe të gjithë bashkëluftëtarëve çlirimtarë”, tha ai, pa përmendur viktimat në atë reagim, por duke i quajtur “konstatime të padrejta” përfundimet se ata kishin targetuar persona të konsideruar bashkëpunëtorë të regjimit serb.

Prej atëherë, ai u zotua se do të ofrojë gjithë mbështetjen e mundshme, përmes një strategjie shtetërore, për të ndihmuar ekipet mbrojtëse në apelimin e verdiktit.

Analisti politik, Ilir Deda, thotë për Radion Evropa e Lirë se mbështetja e apelimt të verdiktit “nuk duhet të shndërrohet në mohim të vuajtjes së viktimave”.

“Respekti për viktimat nuk e dobëson mbrojtjen; përkundrazi, ia shton kredibilitetin”, thotë ai, duke theksuar se përgjegjësia penale e individëve nuk mund të shndërrohet në faj kolektiv të UÇK-së apo shtetit të Kosovës.

Në Kosovë, shumica e organizatave që merren me drejtësi dhe çështje të të drejtave të njeriut, gjithashtu, e kundërshtuan verdiktin dhe shmangën përmendjen e viktimave.

Më 25 shtator, 11 prej tyre reagues ndaj Amnesty International, duke kundërshtuar mënyrën se si ajo e lidhi aktgjykimin me “mijëra viktima të luftës në Kosovë”, pa përmendur krimet e kryera nga forcat serbe.

Amnesty International, në reagimin e saj, tha se dënimet “u japin shpresë mijëra viktimave të luftës në Kosovë”.

Ata kërkuar që Amnesty të bëjë dallim mes viktimave dhe krimeve të trajtuara në rastin ndaj Thaçit dhe të tjerëve dhe viktimave të tjera të luftës – shumica viktima të forcave serbe.

Fondi për të Drejtën Humanitare në Kosovë, në anën tjetër, u fokusua te viktimat e rastit të ish-krerëve të UÇK-së.

“Elitat politike në Kosovë e kanë rrënjësuar narrativën për luftën heroike të UÇK-së për liri kundër forcave serbe si pothuajse të vetmin interpretim të lejueshëm të luftës. Ky narrativ nuk mund t’i ndryshojë faktet e vërtetuara me aktgjykim”, thuhet në reagim.

Megjithatë, Fondi pranoi se pakënaqësia në Kosovë vjen për shkak të “mungesës pothuajse të plotë” të ndjekjes penale të zyrtarëve serbë të asaj kohe në gjykatat në Serbi.

Ai insistoi se faktet e vërtetuara në aktgjykim nuk mund të relativizohen përmes etiketimit të viktimave si “bashkëpunëtorë”.


Radio Evropa e Lirë kontaktoi këtë organizatë për të diskutuar pozitën e viktimave në debatim e krijuar pas aktgjykimit, por nuk mori përgjigje.

Sipas aktgjykimit, të paktën 385 persona ishin ndaluar në mënyrë të paligjshme ose arbitrare, 303 ishin torturuar, 49 ishin trajtuar në mënyrë mizore dhe 96 ishin vrarë./ REL

Etiketa: krime lufte uck

Lajme të lidhura





Shkupi në protestë për katërshen e madhe të UÇK-së

16:13 : 27/09/2026



"200 metrat" që liruan Gotovinën dhe mësimi për katërshen e UÇK-së

12:15 : 27/09/2026



Nëntë të arrestuar për krime lufte në Zubin Potok lidhur me rastin e "Grupit të Intelektualëve"

09:43 : 27/09/2026



"Jo në emrin tim", mesazhi emocionues i tifozëve në "Air Albania", pak ditë pas vendimit të Hagës

21:03 : 26/09/2026



Kosova priste fjalën për UÇK-në, Rama flet për AI në OKB

22:38 : 25/09/2026



Çfarë strategjie mund ta ndjekë Qeveria e Kosovës për apelin në Hagë?

12:42 : 25/09/2026



RRETH NESH

Boldnews.al mbetet zgjedhja e parë për një lexues i cili kërkon të informohet me saktësi për një lajm. Misioni jonë kryesor është paanshëmëria dhe profesionalizmi dhe për këtë janë të punësuar gazetarët më të mirë në tregun mediatik.

Na kontakto:

NA NDIQ



Pamja këtu është e ri-koduar për ta futur në dokument. Artefakti autoritar është skedari WebP i ruajtur, dhe hash-i i tij është ai i shtypur te faqja e parë — pra dallimi është i verifikueshëm, jo i fshehur.